

國家圖書館, NATIONAL CENTRAL LIBRARY, TAIWAN, R.O.C.



3395584 w1

二卷

春秋





國家圖書館, NATIONAL CENTRAL LIBRARY



二卷


行在陽秋

國家圖書館, NATIONAL CENTRAL LIBRARY, TAIWAN, R.O.C.



行在陽秋上  
隆武丙戌二年冬十月十四日丙戌永明王監國肇  
慶以明年為永曆元年  
御諱由榔 神宗孫也 皇考桂端王生四子  
長由 次由 俱為獻賊所害三由 封安仁  
王以病薨四永明即王 上也天資聰明仁厚  
皇考自衡徙梧以病薨上居苦次會隆武蒙  
塵報至兩廣總督丁魁楚廣西巡撫瞿式耜等  
謂天下不可一日無君乃迎桂嗣王至肇慶立

國家圖書館, NATIONAL CENTRAL LIBRARY, TAIWAN, R.O.C.



之以府署為行在頒詔楚滇黔蜀

閣輔蕙觀生自南雄撤兵還廣州閣臣何騶吾自  
閩遁歸青山加丁魁楚東閣大學士兵部尚書瞿  
式耜東閣大學士吏部尚書

魁楚原任兩廣總督兵部尚書右副都御史兼  
吏部右侍郎賜券劍進平粵侯今以吏部右侍  
郎入攝尚書事兼戎政式耜原任廣西巡撫  
兵部右侍郎今以禮部尚書入閣兼兵部尚書  
掌銓事


封李明忠靖武伯鎮南詔

以許德生為潯州推官監明忠軍明忠江西  
人狼兵帥也初奉隆武詔協勦江西八月率潯  
州兵六千至肇慶九月至三水聞隆武汀州之  
變返肇慶預推戴

原任兵部尚書呂大器自閩赴行在仍用原官辦  
事旋以病致仕

原任兵部尚書守制李永茂赴行在

上隆武帝尊號曰思文皇帝后曰思文皇后



擢原任福建布政吳炳為戶部尚書

督師兵部尚書右副都御史何騰蛟等公疏勸進

隆武朝騰蛟進定興侯賜劍駐軍長沙楚撫兵

部右侍郎右副都御史堵胤錫受隆武命督雲

貴師會聞汀變騰蛟胤錫公疏違行在

補馬吉翔郭承吳嚴從雲吳繼嗣等為錦衣衛使

吉翔北真人繼嗣浮鹿人崇禎十六年獻賊陷

衡州 皇考皇兄及 上僭宮墳自永州奔粵

西行李蕭然過道州州人不納及羈縻行駕以

素賂反賊入城賴繼嗣夫婦以肩輿衛 上及

國母于難 上失金冊繼嗣亦失所佩州印賊

踞城四十餘日無兵衛繼嗣密約粵西鎮楊國

威引兵復城國威過道州覓得州印繼嗣亦獲


金冊獻之

進武崗伯劉承胤武定侯鎮寶慶

以王坤為司禮監東太監

坤故北闕自闕來奔

十一月癸卯朔日有食之



進何騰交武英殿大學士加太子太保

得潁州敗報司禮太監王坤請駕移蹕梧州大學士瞿式耜諫止之

唐王自立于廣東改元紹武以蘓觀生為大學士觀生過三水不赴肇慶而行在諸臣以觀生無推戴意拒之適唐王與汪王航海而至觀生遂奉唐王監國

遣兵科給事中彭耀入廣州諭唐王去帝號不從耀過害

故大學士陳子壯廣州人移書瞿式耜請與師東向以靖唐藩式耜以聞


上曰先遣官諭之俟其拒命討之未晚也

蘓觀生既殺耀曰集兵向肇慶而清兵因得乘間窺惠潮矣兵科給事中陳邦彥同耀受命入廣州聞耀死乃還

以林佳鼎為總督兵部侍郎勦唐藩

十八日庚申上即皇帝位于肇慶追尊

皇考桂端王為興宗皇帝追母王太妃為皇太后立妃王氏為皇后大赦天下進瞿式耜文淵閣大學士



以朱容藩掌宗府事

遣錦衣衛嚴雲從護送三宮居桂林教靖江王防

守

授陳子壯中極殿大學士部尚書節制兩廣江西  
福建湖廣軍務賜上方劍便宜行事

二十日壬戌清李成棟入湖州遂入惠州


廷蕭琦兵部尚書晏日璿工部尚書周光夏郝御  
史李用楫等為各道御史

補原任少詹侍讀朱天麟翰林院學士

二十九日總督林佳鼎捷于三水

唐王遣督師陳泰歐陽等軍于三水城西  
將犯行在武靖伯李明忠自韶州入援戰于三  
水大捷俘斬八百餘級陳泰遁去

十二月初三日總督林佳鼎兵潰于海口監軍夏  
四敷赴水死佳鼎不知所在或曰與四敷同赴  
水死三水之捷佳鼎有驕色督兵晝夜無行唐  
王兵偽降誘其水師至海口適東南風大作  
唐王兵以火攻之佳鼎等盡登岸列營泥淖深





三尺餘人馬盡陷兵大潰李明忠二十騎奪路

去許德生被獲至廣州繫獄明忠尋降于清

後復返正

特授王化澄兵部右侍郎兼御史總督粵師周鼎

瀚兵科給事中

化澄原任以御史巡粵加大理卿銜鼎瀚原任

戶部郎中上以林佳鼎失事也化澄鼎瀚皆

以批用內瞿式耜奏內批用人非與朝舉動

上不允

進原任兵部尚書李永茂東閣大學知經筵

永茂以守制不入值專知經筵永茂疏薦鄉望

十五人御史劉湘容與焉太監王坤啟視不悅

于十四悉塗抹其名湘容被黜永茂佛以去


爭之瞿式耜奏大臣論薦固其職司禮輒去取

其間何以服御史何以安大臣坤復疏薦海內

名卿數十人式耜曰司禮抑人固不可薦人更

不可後湘容改官編修充經筵講官

加王化澄兵部尚書



旨杖御史童琳奪科臣劉蘧等職大學士瞿式耜  
疏寢之

琳劾都御史周光夏私亂臺規 旨下廷杖式

耜曰新政未布何可杖言官 上從之蘧等以

劾司禮監王坤落職賴式柅疏救得賜環

中九方以智棄官去


王坤疑劉蘧疏出以智手故智力求去

十五日清陷廣州

清將佟養甲李成棟遣遊擊龐起龍偽為援兵

求入城城內信之遂蜂擁而入內兵登城戰一  
晝夜擒斬清將弁王士選清兵欲退會有內應  
遂陷唐王被獲自盡周益諸王俱遇害蘧觀生  
自縊死許德生降于北紹武守臣惠忠伯王之  
臣大學何吾驥及顧元鏡洪天擢潘曾瑋李琦  
曾燁耿獻忠毛毓祥等俱降其在籍剃髮降者  
為李覺斯王應華梁材伍瑞隆等又葉廷祚曾  
道唯陳世傑關捷先等俱降

清徇東莞新會等縣



二十五日行在得廣州陷報 上乘與出城駕小舟如西峽傳幸梧州大學士瞿式耜從駕而西丁魁楚走岑溪王化澄走潯州

清兵薄廣城且急式耜方典選請視師督戰駐峽口王坤復趨 上西避之式俟夜乘小舟留駕曰我兵水陸危至三水可上下搃也爭之不得請身留肇慶宗人朱容藩奏曰左右所持惟式耜一人式耜留守則 上益孤 上舟西式報部署五日疾趨梧 上西行又五日矣


魁楚惑于姦弁蘓聘從梧入岑溪化澄攜中樞印走潯州西上護蹕者惟式耜一人兵部尚書李永茂工部尚書晏日燭大僕卿田芳走博白清以降撫曾燁仍巡撫廣西

燁歙縣人 進士

改廨州知州陸世廉于梧州

授熊兆騂兵部主事

兆騂廷弼子也原任容縣知縣旋棄官去授孫順則辰州分巡道



清兵犯湖湘命督師何騰蛟率楚師禦之命大學士瞿式耜轉粵西餉濟師 駕至梧州封三國璽武靖侯王維恭筆序侯

以國戚故也

元年訂春正月癸卯朔 駕在梧州

時戶部尚書吳炳翰林學士方以智朱天麟文選司郎中吳貞毓給事中唐誠張起御史程源中書舍人吳其雷洪世彭錦衣衛馬吉翔等俱從

駕

命魯王總理南北直省錢糧軍馬恢復事文武爵

賞俱聽便宜行事

封陳邦傅恩侯焦璉新興伯


駕發梧州

上自梧州北幸桂林閣部瞿式耜隨行 上欲

府江達桂林兵衛寥寥梧州知府陸士應惟募

舟夫以進式俟扈駕西行夜昭平 板灘

原任右侍郎御史巡撫廣信張家玉起兵東莞兵





二十九日虜陷梧州

潯州守將李明忠平禦守將李承忠俱以兵降北

承忠或作承志

叛將杜永和犯岑溪平粵公丁魁楚督戰墮水死

魁楚有兵千餘屯岑溪李成棟遣副將杜永和

招之不至永和入水陸兼進魁楚與戰于藤江中

矢走死

二月壬申朔潮州賴天肖起兵叛將文貴陳人余

成隆來戰擊敗斬之

韶州陳順簡信起兵惠州蘓來起兵新會鄉紳黃

奇策起兵

清遣沙連勉撒奇聖來招撫奇策斬之

進吳炳方以智東閣大學士同入直


以智旋罷去

以原任吏部侍郎王錫燮禮部尚書文安之為東

閣大學士

以周堪賡郭都賢劉賢生等為各部尚書以毛壽

登吳德操等為御史丁時魁禮科給事金堡禮科



都給事中兼職方員外

補萬六吉為給事中蔡之俊翰林簡討

初八日己卯海師攻福州叛將張應夢出戰海師  
道

鄭彩周崖芝合兵攻漳浦平不克總兵陳國祚力  
戰死之

十一日壬午月掩歲星於東井

孫守屯兵長安石鰲谷

陳邦彥師次高平

邦彥遣馬應房以舟次攻順德

鄭彩克漳浦擒斬虜官計國勇

海師攻興化叛將張應元逆戰而走

晉劉承胤安國公曹志建永國公焦連新興侯郝

永忠南安侯盧鼎宜章伯

十五日丙戌駕幸全州敕新侯守桂林

上幸桂林復謀移蹕大學士瞿式耜力爭弗聽

竟出全陽

廿二日癸巳海師次福清不克







式紹謝曰君以仁臣以義臣奉命守此土得與  
此地共存亡于是從官皆行式躬獨守

甲辰李成棟再陷順德敗余龍于黃蓮焚舟數百  
馬應房戰死

丁未賴熊攻復建陽

清兵逼梧州陳邦傳棄走平樂

較大學士瞿式耜留守桂林賜上方劍節制諸軍

王坤趣上章楚式耜泣諫不能脫無己請身

留桂故有是命式耜仍疏請上暫蹕全州以

扼楚粵之中兼顧內外

戊申瀏陽伯董英降于清

自瀏陽出降


壬子清以耿藩伯為廣西巡撫

乙卯清兵薄桂林攻文昌門守將焦連禦却之

初平樂不守清兵直上至是乘虛數十騎衝文

入昌門城中大驚式耜急呼連出連自全州歸

休息未定從數人披弦挺及與清兵遇清兵上  
城樓式耜署在樓下亟絨之連矢無虛發應弦



戊午張家玉克東甯  
據桂林破陽朔

虜陷陽朔遍野薙髮式報與璉危城孤守疏請  
徵承胤兵承胤初從武崗入護猶尊朝廷遂可  
禮監王坤弄權面叱周鼎瀚為奉奄寺臬息故  
推重式報發兵數千援桂  
雜錄云北來高副將入桂林掠瞿留守裝資為  
總兵陳邦傅焦璉所殺邦傅遂出兵破貴縣入  
潯州明忠走邦傅破興業劉鴻烈圍鬱林焦璉

而甯者半餘者走璉短兵接追殺數人且盡清  
隊遂不敢入城城中始定是時清兵自東上昭  
澤省會逃奔虛無人跡 上在全州念首輔且  
馳驛召還而留守堅誓與清兵角拒尤急時清  
兵銜俾而式報出守文昌門調度自如也是時  
督師何騰蛟治兵衡湘老將重兵悉屯湖南北  
聲援弗及式報獨毅然誓眾嬰城而守親帥大  
將掩其不給砲矢夾發虜鋒大挫  
安國公劉承胤遣兵援桂林



己未周崔芝攻闔婁

兵部尚書詹兆恒攻開化叛將李榮逆戰兆恒兵

壬戌張家玉克新安

家玉至新安西鄉與陳邦策屯兵白石

癸亥督師何騰蛟破清兵與辰辰庚申作

甲子林質破德化

乙丑林質破建陽叛將蔡應科以兵逆戰質戰敗

被執死之

歿死之 此係張詹兆恒之行

監軍陳邦彥復清遠不守

夏四月壬申朔清撫耿藩伯兵入梧州

耿至梧州攻取陽朔而西失藤縣北敗于桂林

不敢前進


江西大旱

詔進張家玉兵部尚書提督嶺東軍務聯絡漳湖

兼副都御史

癸酉清陷衡山總兵陳四明降止

乙亥清陷衡山瓊州



叛將閻可義陷之

封錦衣衛郭承吳馬吉翔嚴雲從為伯草御史毛壽登等職劉承胤挾上如武崗

從劉承胤請也御史毛壽登駁之曰金吾無矢石功何得援邊鎮例晉五等爵也吉翔等疑書出劉湘容之手周鼎瀚遂造蜚語為董卓崔汜激之議承胤逼上立下廷杖旨縛壽登湘容及御史吳德操給事中萬六吉于在行午門外會諸臣申救得免壽登等俱落職承胤自桂陽

挾上遷武崗式招疏請留蹕全陽曰聞郊祀禮成即圖移駕不知將回桂林抑幸武崗辰沅耶夫皇上原以恢復兩粵為心不徒于西粵未恢未可駕移即東粵未恢亦當駐全為得策故承胤等啖杖壽登等四臣以四臣主還蹕桂林之議也

乙卯清兵入興安州犂虜伯孫守法戰死

李明忠攻潯州

辛巳叛將孔有德沈知祥耿仲明尚可喜兵犯湖



廣

孔耿尚俱降清封王是稱三王

癸未清兵入衡州殺黃宣父子

甲申白虹貫日

清兵陷永州守將盧鼎走道州

督師何騰蛟駐白牙市兵部侍郎副都御史章曠

駐東安

甲申王允成馬廷忠走辰沅郝永忠走道州曹走

建走永明

癸巳加瞿式耜武英殿大學士少師兼太子太師

臨桂伯

以守桂功也式耜疏辭

岑本高敗没于浦城

癸巳岑本高王思春江中英江中元張文耀朱

國貞劉國球等同攻浦城有原任將軍吳承吳

徐元毛文俊張裔元約為內應至是本高等四

人敗死國貞被執叛將遂供承吳等謀清皆殺

之





與璉分門嬰守用西洋銃擊中胡騎璉出城戰  
擊殺數千人自辰抵午不及餐璉曰枵腹奈何  
式韜括署中米蒸飯分哺士益樂用命向晡雨  
未息收兵明日復出戰清衆棄甲杖而奔式韜  
先令路將馬之驥伏于隔江清衆從粟木嶺遁  
之驥疾馳渡江運禦提鞭連斃三人復追殺二  
十里而還璉久駐桂得桂人心式韜國士遇璉  
故得其死力  
戊辰清陷和平縣知縣李信死之

晉瞿式耜少師兼太子太師臨桂世伯爵

上賜璽書褒加式耜疏辭新命復請苦乞劾

是月副將周金湯率壯士二百人夜復永州城

金湯莆田人武進原任永州都司


復均州

六月

督師何騰蛟朝在 上慰勞之命滇將趙印選胡

一清統兵數千人從騰蛟歸守白牙敕諸鎮抗守

寶慶辰永



晉何騰蛟世侯爵駐衡州堵胤錫世伯爵駐長沙  
章曠駐常德  
十七日李成棟攻陷新安西鄉陳玉策戰死于曰  
石

是月福建張興龍謝志良擁衆入海

廣東英六吉劉良攢擁衆入海

海師攻破興國州擒斬程文袞

秋七月

初五日督輔陳子壯率州師攻廣州不克

初十日兵部尚書張家玉克復轉羅龍州等縣駐  
博羅

督輔瞿式耜率宣國公焦璉攻復陽朔平樂


遣司禮監龐天壽催廣西兵援梧州

兵部侍郎蕭僉都御史章曠卒于永州

松江人崇禎丁丑進士

陳邦傳復梧州

興陵在梧州督輔式耜奏梧州既復宜昭告  
陵寢請 駕還桂林言甚切至





八月

給督輔瞿式耜新銜誥命

以嚴起恒為東閣大學士

起恒浙人而濶身高有異相原官戶部管錢法

試侍郎

二十日清陷高明督輔陳子壯監軍岑而炫被執

不屈死之

二十三日 駕發奉天傳幸廣西督瞿式耜請器

古泥道維容蹕桂林

二十四日清陷奉天劉承胤以兵降清

奉天之陷也守兵先敗遂斫北關棄壺殮而遁

駕三宮無不徒行者中宮嫡妹與王皇親母肩

輿出城閣臣吳炳不及出幾被獲踉蹌走慶遠

嚴起恒王化澄吳貞毓馬吉翔出重賞雇三小

舟奉 上宮眷西行時乘輿先出不知所之禁

王在辰州督師大學士堵胤錫巡按御史熊

麟等共議擁戴時隆武閣臣熊開元在保靖司

因檄保靖奉開元書以中興元輔相期開元答



書略曰今日所急在討賊不在立君乘輿所向  
未卜萬一或有參差唐魯近轍何可再尋

廿六日清陷博羅

九月

李成棟破清遠陳邦彥被獲殺之

廿五日清陷鄖陽王先泰走竹房

清陷沅州巡撫博上瑞降于清

後清携上瑞至江西會金聲恒起事疑有變殺  
之

駕幸沙泥潭

庚申海師破羅源縣又破連江

是月海師掠得山鶯龍門高公島


冬十月戊辰朔 駕幸柳州督師何騰蛟來朝

駕在沙泥潭督師何騰蛟率滇兵來會遂從駕

至柳州太學士嚴起亦從萬屯來會

督輔瞿式耜三疏請駕還桂林

時督師何騰蛟嚴起恒及劉湘客歲在桂林南安侯郝永忠兵驟至疑主客不相安式耜加禮



撫慰永忠信服為之用宜章盧禹亦至自楚式  
耜因疏請蹕極言柳州獠獍雜處地瘠民貧不  
可久駐慶遠壤隣黔粵南寧地逼交夷不可遠  
幸又言桂林可都云 騰蛟與永忠禹璉等俱  
分防汎會  
武崗之變 乘與南粵紆道入苗變朝星散官  
不復存上下綱紀式耜望而泣散布金錢多遣  
壯士間道迎求乘輿適報駕抵柳城乃益增發  
將吏裹餼糧備車馬表請 上幸桂林臣躬

掃行宮以待于是 上敦諭相國西陲朕根本  
地先生竭力死守待朕駐車使朕不至顛沛異  
日國家再造先生功實多

庚午王光泰奔蜀

辛未太白經文

丁丑兵部尚書張家玉兵敗死

癸未清陷永州攻徐州

清帥耿仲明佟代陷永州遂遣將王燦董英等  
攻全州王蔭二鎮失其名禦戰黃沙河失利



清兵遂渡西河浦督師何騰蛟遣總兵何有奇授之

清陷全州岳陽伯王允成總兵唐文耀全州道馬

鳴鸞俱降于清

清攻辰州榮王遇害

清遣降將田起鳳守兵千人守沅州

甲午清兵入興安白土關

十一月戊戌朔


駕幸象州

官軍捷于全州

土司覃裕春子鳴珂與龍文明構兵驚移聖駕  
次象州式耜再疏迎請與騰蛟起恒籌畫調和  
主客集永思璉誓於神刻期出師宜章伯盧鼎  
與滇鎮趙印選各分路駐全式耜輸餉轉運不  
絕全州復大捷獲名馬駱駝而還諸帥連營而  
軍亘三百里清衆退出楚

詔幸南寧

駕自象州欲往南寧忽為焦璉亂兵阻道文武



諸臣皆微服而行馬吉翔左右御舟力攬淺水  
間上見之揮淚乃命閣臣王化澄吏部尚書  
吳貞毓閣道護三宮往南寧馬吉翔嚴起恒翌  
上仍題十八灘還桂林

十二月丁卯朔日有食之

己已駕幸桂林靖江王宮致留守輔臣瞿式耜郊  
迎


上念式耜功高賞薄慰勞備至進見上殿賜坐  
給贊元經體不治細務以此諸葛武侯裴晉

公先是七月司禮監龐天壽奉勅催兵不語久在  
桂林舊司禮監王坤被承胤逐復入自武崗至  
柳州至象粟擬皆金吾吉翔手也式耜勸上  
攬大權明賞罰威德並行以服遠近  
授原任禮部右侍郎郭之奇東閣大學士

在庚寅年駕幸梧州時

督師何騰蛟出師全州

各營兵不和焦璉走平樂郝永忠駐興安  
清帥孔有德等攻銅仁思



有德沈知祥耿明忠尚可喜合兵而攻

以劉遠生為刑部右侍郎丁時魁萬六吉等為給事中是歲錦江伯楊展據嘉定

二年戎春正月丁酉朔駕在桂林

遣大理寺評事朱宿垣賞詔宣諭粵西左右兩江及南雲土司令各發兵勤王

宿垣所至諭以大義土司無不感激願効復命

遷江西道御史

封趙榮桂定隨侯駐白水

榮貴以保寧來歸故  
以詹天顏巡撫順慶潼綿  
以總兵皮勛守平溪


屬辰州

乙丑清江西提督金聲桓以南昌內附

聲桓與總兵王得仁以南昌等九郡之地來歸

詔封聲桓豫國公加太子太傅兼吏兵二部尚

書左都御史得仁建武侯其餘大小文武進秩  
有差聲桓志存匡復每就故閣臣姜曰廣進士














國家圖書館, NATIONAL CENTRAL LIBRARY, TAIWAN, R.O.C.




Vertical columns of faint handwritten Chinese text on the left page of the book.

3395585 v2



國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.

二十二日駕發桂林留守大學士翼式耜次樟木  
港激各鎮援桂林




清兵薄嚴關駕復南幸鎮守敗逃過省撞擔呼  
號屠燒邑屋殺賊不辜欲以無禮犯式耜式耜  
端坐廳事不可動清乘間來窺突騎薄城門式  
耜率典兵宿將敵血定盟申約束畫則閉門固  
守則夜銜枚襲殺視丁亥春尤加奮勇西省額  
以復全

永忠營被襲疾至關欲撤兵時左右近臣即勸



泊式艚寢一小舟家大啟舟三里樟木港黎民  
司寇遠生給事中時魁六吉湘客至先以兵與  
閩民被殺掠聞上命湘客安撫亂亡及勸餉  
糶出遠生時魁以召將入遇式艚于樟水港遠  
生僉謂兵潰倉卒不及瞬息難下手請下朔平  
間催焦璉入援檄遠近無內恐式艚然之舟下  
三十里至豆豉井式艚入民舍集遠生等立草  
檄分四路發明日仍返桂城下俾知留守在也  
旋經陽朔璉兵續上授楚鎮周金湯熊兆佐亦

上移桂林式艚以為不可若以走為上策桂可  
危柳益可危彼今日可到桂明日可到南太及  
反復千言淚下且沾衣嚴恒曰遲至嚴明式艚  
備備御用銀三百兩將進而乘御已發式艚疾  
出送駕數十兵遮之不得行式艚署中冠服束  
帶箱籠圖書咸被掠聞其主將以令箭護式艚  
署者反擄其署式艚裸坐署中持令箭逼登舟  
或曰無以復主將令乘主將先行而亂之耳滇  
營亦自靈川撤城內煙火高樓櫓城外不可停



TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color

Black

孫可望請駕南宣許之

詔封李成棟惠國公

遣吏部侍郎兼副都御史吳貞毓齎勅入廣東

勞成棟封成棟惠國公并封佟養甲襄陽平伯

詔督師何騰蛟入守桂林清破興安

時騰蛟自守嚴關遣將守興安及奉詔守桂林

清遂破興安破岩關傷軍官萬人興安總兵三人及副將參游以下四百人俱死

是月辛卯白虹貫日

三月丙辰朔督轉驪式耜入守桂林


時太常卿黃太玄斃于兵式耜棺殮之

乙巳駕幸南宣大學士嚴起恒王化澄同入閣辦

事起恒攝吏部尚書以龐天壽掌司禮監

西粵新書云隨駕止嚴起恒馬吉翔科臣吳其

雷洪士鵬許兆進尹三聘大司馬蕭琦七人



贈陳子壯東閣大學士忠烈侯諡文忠予祭塋廕  
一子中書舍人錦衣衛世襲

贈張家玉少保太子太師武英殿大學士吏部尚  
書增城侯諡文烈予祭塋追封三代廕其弟家珍

錦衣衛僉事

十三日清兵攻順慶

安南入貢

報李成楫之聘也

十五日大學士嚴起恒請開羅邕城受二十四土

州貢賦從之邕城屬南寧時陳邦傳守潯柳

二州不能供億故有是請

二十二日清攻桂林薄北門督師何騰蛟擊走之

騰蛟師攻榕江


初騰蛟自永安至桂滇鎮胡一清亦統兵至桂

清人尚疑城虛直抵桂北門騰蛟督兵三面出

追殺三十里清人北渡甘崇去督師列營榕江

瞿式耜輸餉百石督師出關與留守相慰勞

二十三日廿州蘭州兵起





晉荆江伯張先為驛侯

督輔瞿式耜檄諸鎮攻取金陵

督輔瞿式耜檄廣西巡撫魯可藻下梧州

可藻銜自署兩廣舊例東撫稱制兼粵西西撫  
稱撫式耜曰方今武人多自署撫軍輒自命貽

遠人笑因代疏請改銜

太學士周鼎瀚罷

當武岡之亂言官彈鼎瀚以附承胤入直式耜  
司票擬獨不可謂鼎瀚既係大臣應聽自謝免

賜督輔 瞿式耜金弊銀圖書

篆曰精忠貫日


清攻潼州綿州

以朱天麟為大學士晏清為吏部尚書張起為戶  
部給事中張鳳翼以兵科掌翰林院張佐辰掌文  
選司童雲驥為行人潘駿觀為職方郎中

守制御史顧之俊亦隨駕

陳邦傳自請世守粵西督輔瞿式俟奏止之

閏月丙戌朔皇子生冊為太子頒萬喜詔大赦天





陳友龍以奉天來歸  
清援江西

五月七日清譚秦兵至石頭日其兵一路從饒  
州一路從九江一路從進賢並入圍進賢順化  
二門十七日聲桓等兵自贛州下越二日入城  
先是聲桓命大廳宋弘宇以兵三萬守南昌十  
三日戰敗譚秦兵于鉄綿巷七里街在德勝泰  
兵于二十三接戰聲桓敗守德勝章江廣順王  
德仁守進賢順化澹臺七月清築長圍二十日


以後以浮橋柵斷章江

六月甲子朔有流星入于箕尾

督輔瞿式耜勞師全陽

遣刑部侍郎劉遠生入粵東勞師

初成棟表至舉朝歡呼科臣張起靖先遣方正  
大臣觀其虛實吏部侍郎吳貞毓拜命行使還  
力言成棟忠誠迎駕初無虛偽因請幸廣遠生  
秦人久節鉞有威名為成棟所重信式耜請充  
此選





至天麟舟中傳語云勲公欲將劍印擲舟令各  
營兵聽公發付等語詞甚厲天麟不為動  
佟養甲伏誅

成棟遣養甲代祭典陵密令李

成棟養子本姓孫

八月 朔駕幸端州 賜恩國公李成棟建  
元勲府第以元胤為左都督

式耜面奏駕勿東興陵兩載風塵成棟令地方  
官備葺陵殿巍然天壽展謁單龍舟宜即返瀕

灘而上成棟備法駕進御用嚴護衛甚威具移  
山超海之力非有所宜但事權宜專號令宜一  
茲軍功爵賞文武署置決于成棟若歸之朝廷  
徒虛拱且楚黔雄師百萬騰蛟翹首威靈駕既  
東軍中將帥為 皇上樂新復之地成棟亦有  
邀駕之嫌號令既遠則人心渙散請上一見東  
諸俾瞻口天子音容而為慰勞指屬然後責其  
盡意于東刻期出師一切決于外不中擾也式  
耜先後遣簡討蔡之後給事中發蒙正迎駕



上竟由梧入肇式耜再疏言前日粵東未復  
上宜住桂以視楚今日江廣反正則宜住桂以  
出楚事機所在毫釐千里吏部侍郎吳貞毓請  
上幸廣城式耜乃捉遠生入朝遠生見朝後  
成棟適自欲還師修行營迓乘輿上命遠生  
詣廣勞成棟遠生謂成棟曰今乘輿駐北爵賞  
征代人疑有私不可不嫌成棟然之遂罷修行  
宮止遣官迎駕益遠生承式耜意欲駕返桂林  
也

召大學士瞿式耜赴行在式耜疏辭

戊戌督輔何騰蛟復衡州永州師次湘潭

庚子復寶慶

張先鋒唐姚陳友龍等所復

以袁彭年為都察院左都御史洪天擢為吏部侍郎  
潘曾緯為大理寺正卿李綺為提學副使

從李元胤薦也

補陳世傑翰林學士吳以連驗封司李貞給事中  
高養明御史王應華光祿寺卿楊邦翰太僕卿唐



元楫職方司

從元胤薦也世傑等皆廣人

陞曹燁兵部尚書耿獻忠毛毓祥通政使

從洪天擢薦也

大學士嚴起恒王化澄朱天麟吏部尚書晏清吏

部侍郎吳貞毓科臣吳其雷洪士彭雷得復尹三

聘許兆進張起等俱赴行在所

副都御史劉湘客禮部侍郎吳璟

即吳文瀾

吏科給事中

中丁時魁戶科都給事中蒙正發兵科都給事中

金堡禮科都給事中李用楫文選郎中施召徵光  
祿卿陸世廉太僕卿馬光儀 司徐世儀等皆赴  
行在所


以上八則見兩粵新書事多未核處劉湘容撰  
瞿留傳實嘗赴行在

九月癸未朔有火星自東隕有聲

清陷寶慶

陳友龍復降

冬十月壬午惠國公李成棟入朝



成棟五日一朝時政無細巨 上悉委之成棟  
亦必請旨後行

督輔何騰蛟檄馬進忠李赤心會師取長沙  
南雄府知府凌犀渠遇害潮州

左都督李元胤署吏部尚書

二十二日清再陷常德


元胤既殺佟養甲于德慶道上威權愈赫會其  
誕日饋送稱觴達于佟杪通政司疏陳乞官日  
以千計閣臣稟擬只有著議具奏四文選司雖

掌銜衝之權空名而已廣省非從元胤轉奉成  
棟劄咨不得擅為除授桂林平樂則瞿守為政  
廣遠柳州則焦新典為政潯南思秦則陳國慶  
為政慶國先有降表至廣為成棟所鄙承成棟  
旨咸思擊之

洪雅兵亂

是冬洪雅鎮湯國聘與團練花漢將熊振生治  
兵相攻洪雅之境無寧宇

十一月 朔





李成棟請出師南雄與金桓合攻贛州

督輔何騰蛟遣兵復安化醴陵益陽湘鄉攸縣

初二日馬進忠李赤心兵至長沙

清大同鎮姜瓖以大同內

二十六日清吳三桂兵至保寧

永國公曹志建驛永州

十二月朔

李成棟師次南雄

清援長沙李赤心大掠湘潭而遁

三年己春正月

朔駕在端州

罷大學士朱天麟召舊輔黃士俊何吾騶入直

科臣金堡等疏劾陳邦傅邦傅疏請即用堡等

監軍以觀臣十萬鐵騎十一日大學士朱天麟


稟擬有金堡從來朕亦未悉之語十二日早朝

科臣丁時魁等率科道十六人進丹墀挂冠而

出上不得已賜帖諭于李元胤收回原旨天

麟即日放還田里金堡丁時魁等仍舊供職時

魁等又劾天麟結太監王坤求陳邦傅特薦得



以入閣又令其長子為御史掌河南道次子為  
中書弟為行人得旨一門盡黜  
十九日清再陷南昌金聲桓敗沒

一作念九日

南昌有湯副總守進賢門獻城王得仁被執死  
之姜曰廣自經

二十一日清再陷湘潭督師定興侯何騰蛟被獲  
不屈死之馬進忠走靖州

諸帥望風奔潰却地數百里省會震撼老幼竄

走內外數十萬不復舉烟火

清陷衡州

念八日大學士黃士俊何吾騶乞罷許之

嚴起恒王化澄同入閣辦事


誥敕中書張立先崑山張魯傳之子陳邦傳致

金珠祈改敕中一字因去秋駕過潯州邦傳留

守潯州如瞿相例中書寫敕遂以世字易居字

科道疏論立先擬罪

袁彭年求入相不得上書云儻臣舊臣以三千鐵



是月清陷信豐惠國公李成棟歿于陳

晦日賴熊等延陽

破疎縣

陷長沙

二十日破蠡縣

初九日樂安縣殺姚大使

初五日清入撫州次日破建昌

二月朔張先聲率水陸兵數萬攻辰州不克

二十八日定隨侯趙榮貴戰沒龍安柏峪口隨一

時肇慶有假山五虎圖謂元胤以賈肩李也元胤本姓孫又姓賈五虎者為總憲袁彭年為虎  
丁時魁為虎尾戶科蒙正發為虎脚兵科  
金堡浙人隆武初為延平知府疏激上殺同  
卿尹文燁施瓠二人人畏之號為虎爪副都劉  
湘客陝西布衣來自瞿相又為成棟同鄉號為  
虎皮見南粵新書

大駭 騎西來今日君臣安在 上特其章示群臣舉朝




正月成棟踰嶺攻贛州適金聲桓戰不利全師  
退去成棟勢單清將高進庫乘機拒戰成棟復  
不利退至信豐兵潰不可制成棟親為斷後乘  
馬渡河負鐵甲馬不勝水溺成棟遂卒時中軍  
杜永和代領其眾清兵復追敗之兵部侍郎張  
調鼎監軍道姚生文為亂兵所殺

三月

初七日行在得督師何騰蛟惠國公李成棟敗報  
方中湘之報陷也羽檄達行在公卿震駭會集

政事堂議所以代定興侯者僉曰惟留守公望  
尊德鉅足以折制諸將議欲舉大事招討湖南  
北莫留守公宜奏上 上曰俞惟留守式耜作  
朕柱石朕悉其才是必能為朕任聞外釋北顧  
憂者予是賜式耜彤弓鐵鉞特遣郎官一員捧  
詔詔式耜從此沅湘永寶鄂岳上下三軍之任  
行間者皆得生殺予惟命式耜辭不獲乃戒期  
誓眾建元帥旗鼓申號令親出入行間令且環  
師全永跳盪提擊刻日可獻俘馘



初八日兵至湘潭

夏四月初三日清再寶慶陷

初五日太白八月

初八日犁虜伯孫守法敗没于興安

没于藥箭寨

十四日故科臣沈迅自焚于萊陽


二十六日虜破長山

孫可望據雲南自疏求封秦王不允以安東封之

可望不受

可望遣龔彝之弟鼎獻南金三千兩名馬四匹  
求封親王名號金堡以祖制無有阻之廣西南  
寧府與滇之廣南府接壤龔彝乘書不允者即  
殺出等語陳邦傅大懼即具疏為可望請封秦  
王大學士嚴起恒以為不可止封安東王可望  
因拒命未幾可望密遣人擊起恒于鄧州之濱  
幾殆

五月朔以兵部侍郎張同儉總督湖廣軍務  
授瞿昌文中書舍人



昌文式紹孫也自海至

督師堵胤錫辭朝旋病卒于潯州

胤錫將滇南過宜章圍入粵東因割據者強觸  
相凌乃不果行遂以偏師會曾志建于永明孤  
軍無援遂為所制兵將瓦解胤錫單騎夜遁走  
間道覲闕至潯陽卒

劉湘客曰胤錫移瞿公書云 上有密敕云東  
人握君子掌 朝不戒生劫入舟朕不復有中  
土之望唯卿與瞿先生圖之瞿公得書大驚知


斯語非出上意鹵諸臣欲外鎮與東諸侯釁則  
從中可攬權故危為 上敕使胤錫聞于諸

鎮上方蹕東鼓厲征討詎意內外生釁書四年  
朝事始末致錫胤錫我輩不力視封疆聽人臬  
牢而起衅非社稷之福也忠貞營勛國公高必  
正諸勳咸俾其議

六月 朔左都御史袁彭年以憂去

自五月乙亥雨至十六月乙丑大水寒

七月 朔遣內侍持敕獎南雄守將閻可義



杜永和

副將楊大甫與李元胤不協先燒營東下南雄  
單弱可義斷指自誓軍心始固

十四日楊展破遂寧旋潰回嘉州

永州再陷與益保何一青退守榕江督輔瞿式耜  
檄一青出兵屯全州

召廷臣集議于慈寧宮發東餉萬兩

八月 朔

初八日以督輔瞿式耜生日遣宮賜幣金幣

八日姜瓖敗没于大同


袁韜武大定等誘殺楊展遂據嘉眉

明年春葛佐明倚九溪之險糾衆與袁武相拒  
期年始定

是秋清帥尚可喜攻陷潮州

大學士郭之奇禮科都給事中郭朝薦相傳殉  
節

冬十月贈何騰蛟中湘王李成棟益夏王金聲桓  
南昌伯故壇祭之



大學士王化澄致仕嚴起恆入直

自黃士俊何吾騶去位有疏未拜而先商票擬  
落旨不符則與化澄相仇故化澄罷去惟起恆  
耐之故得獨相

十一月 朔德化王被獲遇害

鄭芝鵬踞石榴城清兵至隨遁去劉中藻在福  
寧勢窮自縊福建盡天唯延漳汀三郡界連江  
西而延平所屬皆處萬山中清兵既去德化王  
慈燁踞將軍寨先陷大田繼破龍溪攻順昌將

樂十一月清兵復陷之王被獲兵部尚書羅南  
生等降


十六日清入 州巡撫鄭受陣歿于燕子窩

副將陳勝彭昌高勝談玉等戰于白虎關俱被  
獲死

十一月

十二日興寧侯何一青率粵兵數萬攻永州不克  
退入山

曹志建復永州





并復桂陽擒清官李亨

潮州守備郝尚文降清

孫可望大掠貴州富順王平鼎

是歲封李建捷安肅伯

建捷北直真定人成棟養子從信豐歸守廣州

四年庚寅春正月駕在端州

清陷南雄屠之閔可義力戰而死杜永和以餘兵

守清遠峽

初六日清陷韶州

竇豐伯羅成耀預遁

賜李元胤復姓為孫

上以成棟死難晉元胤車騎將軍封南陽伯元

胤力辭 詔固不許乃勉受車騎印而章疏多

不改元銜冬去清以精騎破南雄韶鎮羅成耀

棄城走元胤聲其罪與蒼梧葉督師鎮楊大用

咸伏誅人咸服其紀律時督廣州杜永和退走

海外保瓊州

初七日復以王化澄為大學士



初九日駕發端州十三日命李元胤留守

上聞詔鎮羅成耀遁去遂戒舟西上

駕至德慶

二月朔駕至梧州

戎攻劉遠生奏自請行守清遠峽給事中金堡  
奏留駕單之不得適大學士瞿式耜疏至言粵  
東難得亦失且韶去肇數百里強弩乘城堅營  
固守亦可待勤王兵至河乃朝聞警而夕登舟  
疏再上而蹕移德慶向梧州矣

下給事中丁時魁金堡蒙正發詹事侍郎劉湘容  
詔獄從御史

程源奏也大學士瞿式耜七疏救金堡等時

上至梧州百官請行修臺上欲以舟為家有


旨命陳邦傅統兵護駕馬吉翔護三宮舟先行

五虎失勢報仇者群起獨袁彭年以憂去得免

時魁等奉旨逮問于梧州照廠衛故事撈掠招

賂以數十萬計盡以充餉拷訊時惟堡大呼

二祖列宗餘則乞哀殊甚



十五日清攻奉天總督劉祿監軍御史毛養登戰死馬靖忠逃走靖州

二十六日清攻廣州

清陷惠州

惠州總兵黃應杰道臣李士璉知府林宗京等以惠州降清並執趙王由棧以獻

三月

念四日清破永州鐵柱關次日破龍虎關總兵向明高姚得仁陣歿永國公曹志建奔灌陽

念八日硃勅發內閣榜袁彭年金堡丁時魁劉湘客蒙正發等罪于朝堂追賊遺戍以昭法紀

夏四月朔再行考選

朱士焜考選第一

常州靖江縣人

補吏科給事中以代


丁時魁補童雲驥御史潘駿觀職方主事雲驥

謝恩時伏地不能起殞于御舟

初八日清至黔陽

二十日王恩光駐巫夔間行屯政

清兵至郴州興寧縣巡撫黃祖順總兵林國瑞戰



死其衆二千人被屠

二十四日興國侯李赤心擒永州清官李茂祖余世忠送行在誅之

六月朔

清入清遠峽

清遠叅將麗文龍東筦總兵張道瀛叅將張善

南雄副將覃養志等俱降

茂祖陝西布政使署巡撫事世忠乃鎮將也

秋七月朔

湖南巡撫 總兵白文明自郴挂出降于孔

有德

八月

十五日御舟泊繫龍舟

在梧州之東

自春至秋王嚴二相隨駕逍遙河上有民謠云

漢宮秋也昭陽愁也起恒宇秋治化澄宇昭陽

上與太后三宮置酒樓船簫鼓于梧州繫龍

洲之上下起恒手書水殿二字挂小牌子御



舟前 上飲至中宵不樂而罷以清遠峽及惠  
筓間有敗報也

九月清破灌陽知縣李遇昇被獲死

曹志建奔恭城

冬十月 朔日有食之

上不怡嚴起恒疏請修省

大學士瞿式耜遣其孫昌文入覲于梧州授昌文  
翰林院簡討

十一月

駕幸藤縣陳邦傳自潯江迎駕

初一日清陷廣州屠之

李元胤攜重賞入廣州城中人亦嬰城自守男  
子上城婦女饋餉清兵環圍城外自八月至十  
一月初二日五鼓北門觀音山紫雲梯遂入城  
城中驚惶相蹂踐砲銃相擊城門築塞難開百  
萬人民盡死于內杜永和自清遠敗後退還端  
州尚有兵萬人知不能守遂奔恩平高電以扼  
高雷廉 上與太后三宮移州西上至藤縣遂





式耜同殉國

初六日孔有德破桂林

劉湘容作初五日用歷異也

清江王及其世子長史李

被獲不屈死

留守大學士瞿式耜兵部侍郎張同敞被執不屈

羈于別室

大學士王化澄戶部尚書董天閔廣西布政朱

俱降于清

桂林平樂全州


東安永寧臨桂靈川興安義

昭平寧灌陽永福恭城陽朔荔浦修仁富川平樂  
等十七州縣俱陷

閏十一月

十七日留守大學士瞿式耜兵部尚書張同敞死  
之

劉湘容曰瞿公執去見有德公云事已至此一  
死足矣夫復何言有德雅重公安于別所防衛  
嚴而不失禮焉公賦詩與張公麇和邏卒得公  
與胡一清書知公心死社稷而志未灰也十七



是冬高李二將率衆數千渡瀘自黎州出掠嘉眉  
和

見有德不屈滕有德不遽殺之留之以招杜永  
檄舊旅至欽州為土兵王勝常所劫解送廣州  
官星散元胤身率散卒護蹕憇南寧身至南甌

五日之內兩廣連陷駕離梧州為陳邦所封百

南陽伯孫元胤被獲于欽州赴廣州

擢兵科給事中張起為副都御史巡撫南寧

龐天壽等俱從行

駕幸南寧入土州朱天麟嚴起恒王化澄馬吉朔

十二月

遂瘞北門外園

滿天香時給事中金堡己為僧有德請葬二公

待死與城亾千古忠臣自主恩澤久頭絲猶帶

冬發遠近皆曰微在公也瞿公絕命詩云從容

遂南面被害十六日之多夕十七日之辰雷霆

四十日今日事畢矣張公亦謂今日得死所矣

日辰刻請公出公笑謂張公曰我二人多活了





五年<sup>辛卯</sup>春正月

朔駕在南寧尋幸安隆州

二月十五日清陷梧州及蒼梧藤縣

二十五日清陷柳州及象平馬平

三月

瑞州羅定州降于清

清陷高州


高州提督李明忠兵潰吁口清兵追至甯白縣  
明忠預遁清遂陷高州道臣郭光祖吳人龍知  
縣文振義副將王邦友等俱降清

新泰伯鎮守潮州總兵郝尚文潮州道沈時知府  
王朝鼎俱降于清

尚文尋內附

夏五月秦王孫可望遣將賀九儀總兵常容將兵  
至南寧護駕並請移蹕雲南

上亟召隨從諸臣議之時閣臣吳貞毓御史王  
廷光徐極等勸駕幸欽州依李元胤閣臣朱天  
麟力請幸滇言元胤屢敗之餘衆不滿千棲依  
海濱其不足恃明矣雲南山川險阻雄師百萬



北通川陝南控荆楚亟宜蹕以堅可望推戴之心以慰中外臣民之望吳貞毓魏光廷等堅執不可遂寢其議

秋八月慶國公陳邦傳與其子文水伯陳曾禹遣將至梧州降于孔有德

潯州總兵李時方有聲副總兵鄧景監軍遭楊兆文潯州知府何允中俱降于清

陳邦傳殺宣國公焦璉

璉與邦傳有兒女戚邦傳說降不屈遂為所誘

殺又盜瑞伯茅守憲為邦傳所脇綴印降守憲尋悔恨卒

冬十月撫南昌劉文秀率兵五萬攻保寧不克


文秀自滇入蜀與文韜武大定等相拒數月十四日靖南侯于大海率兵于荊州降于清


大海初據夔州之巫陽為孫可望所敗故降

定川侯李占春被執


占春偽降即為僧遁去尋復被執


是歲永州諸生鄧光遠不屈死之






孫可望殺大學士楊畏知  
 畏知故衡滄道也永曆改元擢部院是年入覲  
 安隆晉大學士還滇可望忌而殺之






國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.

33955P6 v3



TIFFEN Color Control Patches


© The Tiffen Company, 2007

Blue Cyan Green Yellow Red Magenta White 3/Color Black

行在陽秋下  
六年<sup>壬辰</sup>正月朔駕在安隆州  
二月二十五日吳三桂破嘉定州總兵白文選預  
道  
清杜繼茂兵入欽州開國公趙印選預道  
杜永和守瓊州降清  
三月初八日湖北晝晦大風揚沙至持燭而行  
官軍復沅州又復平遂衛藍田縣  
清破佛圖闕遂陷重慶



國家圖書館, NATIONAL CENTRAL LIBRARY, TAIWAN, R.O.C.





夏四月二十日清入叙州總兵王俊臣白文選退  
守永寧

故四川提學任佩弦降于吳三桂

十一日德州雨雹大者如瓜殺三人沉一舟

十三日清殺南陽伯孫元胤安肅伯李建捷

元胤聞杜永和永之降慟哭三日夜清遂殺投

尸江中時前鋒將周彩安肅伯李建捷亦成棟

養子與元胤義兄弟也建捷嘗從杜永和先登

廣州敗走蒼梧與元胤同護蹕亦隨海內欽州

作難已登舟出海聞元胤被執遂願與同死

十八日官軍復清州擒斬清總兵楊國勳

念一日孫可望自靖州率眾攻湖南清帥沈永忠

遣張國柱禦戰可望擊敗之


六月荆江伯張先璧朝行在封沅國公

晉馬進忠鄂國公

吳三桂破石泉縣巡撫詹天顏及曹淇等俱被獲

天顏福建人

秋七月庚午朔復寶慶





吳三桂兵至龍安邊堡

冬十月撫南王劉文秀攻保寧不可

文秀自綿州出攻保寧十日吳三桂至文秀撤

圍退

十一月十三日官軍復衡州擒清州辰鎮總兵徐

勇及劉升祚等

十九日清兵至湘潭馬進忠退守寶慶

二十三日清再陷衡州

總兵馬 敗死

十二月初五日清陷籐縣總兵羅超戰歿再陷賀  
縣

二十九日清兵入平樂縣平彭俊陳殲

是歲封莫宗文安仁伯


七年癸春正月 朔駕在安隆州

二月李定國馬進忠兵入永州

二十八日永州陷李定國走龍虎關

孫可望駐靖州總兵馮壯力駐奉天

清帥耿繼茂破廉州道臣王道先被執死



道光江西庚午舉人初任雲南太知知縣  
三月武陵侯楊國棟安仁伯莫宗文攻常德不克  
十七日孫可望禦清兵于周家堡敗回寶慶  
安西王李安國敗于肇慶退駐柳州

夏四月郝尚文復以潮州內附斬清知府薛信辰  
五月封楊時清征定侯

六月初四日潮陽再陷

閏月初九日安西王李定國出師廣州攻肇慶  
二十六日總兵周金湯攻復遂溪降其守將陳琪

秋七月李定國復化州吳川信宜石城定國以施  
尚義守化州

初九日李定國離肇慶

十三日李定國遣兵入賀縣樂平

二十一日李定國率兵二萬攻圍廣西賊不克

定國圍七晝夜清兵自奉天至定國解圍

總兵王之邦卜宣張蓋陣歿于陽朔

叛將趙文貴執四川道孫胤乾至保寧獻于清

孫可望駐奉天



李定國兵擒斬清廣西巡撫王荃可

八月初五日石城遂溪陷

化州陷

九月十四日潮州再陷新太侯郝尚文父子投井  
死潮州道李北京被獲死

以王立功內應也尚文一作尚久以功歷陞總  
兵守潮州清至以城降附戊歲李成棟內附高  
文復正朔詔以為將軍仍駐潮州李敗復降清  
為潮州總兵尋加銜管水師中疑不肯越省城

癸巳復奉正朔自稱復明將軍挾諸鄉紳入城  
盡反清所署官屬願從者仍與原銜不願者拘  
留之唯教官以下聽下各邑追印多挾印去空  
城以待惟龍溪知縣焦某舉城歸之是清以重  
兵壓之尚文父子投井死

一日  
元

冬十月清帥尚可喜陷吳川縣

陳彥典陳其策被殺

十一月二十日清督祖澤遠援鄖陽

十二月十三日清破郴州桂東縣黃蠟潭巡撫朱



俊臣陷陣死總兵羅念等降

是歲官軍擒斬清廣西右江道參議金漢恩樂平

知府尹明廷廣西副將溫如珍降清

八年<sup>甲春</sup>正月朔駕在安隆府以吳貞毓為

大學士

孫可望駐靖州

二月安西王李定國帥兵入高州張月來歸

夏四月初十日李定國兵至雷巖遣將攻復羅定

新興石城電白陽江陽春等縣

六月李定國遣將攻梧州不克

官軍擒斬清湖廣湖非道右參議劉鼎祚辰州知

府王仕玘

秋七月遣內臣至廈門島冊封朱成功為延平王


二十六月平遠再陷

冬十月詔改安隆州為府改都康萬承安平龍安

諸州為府

十月初三日官軍攻圍廣州

十二月朔延平王克復漳州



初六日李定國攻新會縣

十四日清援廣州官軍解圍

十六日李定國攻肇慶不克還廣西

南寧巡撫張起致仕

起與孫可望標將賀九儀不和故也

是歲予大學士吳貞毓自盡叔張鑑十餘人

詔曰朕以眇躬纘茲危緒上承 祖宗下臨臣

庶閱今八載險阻備嘗朝夕焦勞罔有攸濟自

武衛肇梧以至邕新播遷不定茲冬瀨滿倉平

西巡苗截于前虜迫于後賴秦王嚴兵迎扈得

以出險定蹕安隆獲有寧宇數月間提督疊至

西蜀三相以及八桂海歸版圖憶昔封拜者累

景若若類皆身圖自便任事竟無一人惟秦王


力任安攘毘于一人二年以來漸有成緒朕實

賴之乃有罪臣吳貞毓張鑑張福祿全為國徐

極鄭光元蔡宿趙廢禹周允吉易士佳楊鍾任

斗樞朱東旦李頌蔣乾昌朱議皋李元開胡士

端包藏禍心內外連結盜竄矯勅擅行封賞貽









九年紀春正月 朔駕在安隆府

二月孫可望駐貴州以部將朱養思守南陵  
安西王李定國自賓州入南宜

撫南王劉文秀駐川南

三月二十九日昭平陷

屬平樂倪志倫歐光大袁啟祕徐麟俱降清

夏四月二十六日李定國兵敗于新會

標將王成張士祿嶺西道陸士瑞 道李昇

東安知縣羅大經俱降清

五月二十三日劉文秀馬廷忠與武大定等攻常德不見

冬十月蜀鎮胥登榮降于吳三桂

一作胥發榮明年正月降


十年丙春正月 朔駕在安隆府

夏四月安西王李定國迎 駕入雲南

定國兵至 州詭為清兵戰敗孫可望部將闕

有才之兵遂奉詔入安隆州執可望家屬以去

六月潯南恩恭俱降清



秋七月義盛龍韜駐柳州

韜與李定國為應援旋被獲死

十八日延平王攻福京

九月十九日清入辰州

冬十月夔州巡撫鄒希明總兵張元凱降于吳三桂

希明自獻賊亂後與元凱同屯壑開縣入覲

安隆授官

十一年酈春正月

朔駕駐滇都

進李定國為晉王

秋九月秦王孫可望謀叛移師犯滇晉王李定國


蜀王劉文秀奉命討之師次曲靖府十九日戰于

交水可望奔潰

念一日叛藩孫可望遣賊將張勝問道麓滇中書  
科中書舍人朱斗垣遇賊不屈死之

先是可望謀逆其部將白文選將所屬來歸

上嘉之封文選為鞏昌王遣尚寶司楊植幹中  
書朱斗垣賫敕往曲靖軍中途遇賊兵遂為所



害

二十二日晉王李定國班師援滇擊張勝于渾水塘擒之斬于市

保國公王尚禮卒于滇中

以馬吉翔為大學士李國為斯禮監

進撫南王劉文秀為蜀王

是年文秀遣總兵王俊臣姚之貞等統兵三萬人攻保寧為吳三桂所敗俊臣之貞俱死喪卒千餘

萬翔彭萬夫李春秀等降于清

翔原任兵部尚書萬夫為某官春秀舉人降于

清偏沅巡撫袁廓宇


冬十月十五日孫可望降于清

可望為定國所敗率家卒數千人請保慶降于清封可望為義王後隨出獵被射死初可望

部將桑某者降定國故可望窮蹙奔降桑某後

為清兵獲械

至北京入見桑慷慨自若竟釋之



十二月清兵攻雲貴

泗城土官岑繼祿降清為嚮導引清兵從間道直抵安隆晉王李定國守盤江聞報自統精兵三萬人倍道趨戰我師敗績

十二年<sup>戊戌</sup>春正月 朔駕在滇都

二月原任總兵鄧凱朝行在

凱江西吉安人初同楊廷麟劉同升萬元吉龔榮等奉隆武兵朔起兵江西其父某死國事

夏四月官軍克橫州

秋八月十七日延平王克復台州


授鄧凱為隨扈總兵守大明門

是年冬十月初七日 上遣內臣李崇貴名凱入朝 上曰爾忠義老成可即隨護東宮賜銀一百兩賜銀頂盃一隻

冬十二月十五日 駕離滇都傳幸永昌

新津侯譚宏仁壽侯譚毅總譚憲總兵譚大圖等俱降于清

文臣方時等同降



鞏昌王白文選以兵二萬人守貴州七星關敗于

清

曲靖知府蓋世祿降于清

世祿貴州畢節衛選貢生也

十三年紀春正月朔

初三日清兵入滇都

提督總兵劉之扶許大元總兵王宗臣王有德  
副將朱文彩朱文盛提學道徐心箴光祿寺少  
卿管雲南分巡洱海道黃復生等俱降于清復

生管洱海道心箴署臨沅道

初四日 駕幸永昌

吳兵已入貴州 上在雲南倉卒聞報羣臣東

手無措太僕寺正卿辜廷泰仁壽人請駕即日幸


蜀關荒屯練以圖便利 上意未決晉府中書

金公祉雲南人極言入蜀不力是時文武臣僚滇

人居多皆思保妻子弗欲遷動勸 上寢之吳

兵分道前進一從火洪龍元安龍入一目率諸

將從烏蒙入 上聞警卒起行先生至永昌





禮部侍郎潘琪卒

十七日清兵入永昌騰越州


十八日駕幸井梗是晚文武諸臣會于御舟前議遣總兵鄧凱行人司任國璽使緬馬吉翔止之

吉翔恐二臣先行言其過也

二十八年八月遣馬雄飛鄔昌琦使緬

緬王請大臣過河相議乃遣二臣惟通事傳說皆神宗時事所去敕書彼出神宗勅相對分寸不符疑以為偽出沐國公印相對乃信緬

初上在永昌大學士馬吉翔編修貴州塗敷功吏部左侍郎四川鄉士廉大理寺正卿齊環沐國公天波左衛將軍四川徐鳳翽等二百餘員及家口二十餘人不俟大軍齊發先入緬界是月雅州伯高承恩及諸土司據兵守境二月朔文武諸臣自騰越齊奔緬境初四日馬吉翔李國璽太后東宮先奔井梗初五日鞏昌王白文選遣兵至唾哇城迎駕不值而去







時晉王遣應奇說桂生歸正應奇被執送吳三桂殺之

五月初四日緬王遣官以龍舟迎駕

初五日駕離井梗

初八日緬王羈駕于益坑外

地居者梗

緬王接駕見中國男女射帛心利之欲圖害

上遂謀奉駕安置孟坑城外四面皆海人不得

通初七日駕至哇哇城對河結營初八日進者

梗即前陸行者所扎地也構草房十大間上

居依然以竹為城每日百餘兵守護

初九日緬人進貢上優賜之

相傳緬婦每日貿易如市諸大臣皆短衣洗足


混入緬婦貿易據地雜坐談笑緬官乃曰天朝

大臣如此規矩安得不亡

行人司任國璽請設廠衛

十六日儀制司朱冲卒

江西宗室



以使緬功楊生芳文選司郎加丁調鼎五級  
敕緬隘官截止追駕官軍

馬吉翔與緬隘官敕一道云朕已航閩後有一  
切官軍都與截殺

六月安德侯狄三品執馮雙禮獻于清授抒城侯  
三品雲南建昌總兵雙禮已封郡王

二十一日安南臣武公安降于清

武公安官宗室國公遣人至雲南獻降表

二十二日延平王舟師克鎮江圍南京旋退入海

總兵甘輝等死之

高承恩為其弟承裔所殺

部將爭立自相攻擊

清獻馬瑚叙州

伯提督總兵陳希賢等降


鄖中郝永恩等固守

秋七月清陷城都總兵趙友馮等降御史龐之泳

主事賀瑋俱繳印降

清道川南道高瓚皆招降原任四川巡撫萬任

八月滇國公沐天波使緬甸入其成



緬俗以八月十五日各蠻來貢欲張大聲勢天  
波至彼令跣足以緬臣禮見天波不得已從之  
歸而江告于衆曰我故屈者為保全 皇上計  
耳禮部楊在行人任國璽各疏劾天波屈節于  
緬夸疏留中  
上不豫

以患足故


九月緬人進稻穀

緬進稻穀給各管地者吉期據為己物私其所

愛者鄧凱不平予朝內大罵之時有吳承爵者  
乃吉翔之旗鼓倅仆凱于地損一足

光澤王儼鐵大學士郭之琦總兵楊祥被獲不屈  
死之

時雲南既陷之琦等避入交趾交夸懼縛送廣  
西被害之琦絕命詩云十載艱虞為主思居夸  
避世兩堪論一聲平地氛塵滿幾疊幽山霧雨  
翻曉澗哀泉添熱血暮烟衰草送歸魂到頭苦  
節分方盡莫向西風灑淚痕成仁取義憶前賢



異代同心着幾鞭血比長弘新化碧魂歸望帝  
久為騶曾無尺寸酬高厚唯有孤舟照簡編萬  
卷詩書隨一炬千秋霜管俟他年祥蜀人不識  
字以忠義自許臨神色不變望西叩首謝思危  
坐就刑觀者無不流涕

命道曆曰

從鄧凱請也

冬十月郝承裔以嘉定印眉等州叛降于吳三桂  
未幾承裔反正至辛丑年被獲死之

蜀鎮宣侯王友進遣官降于吳三桂

安南都統使莫敬耀入貢于清

是冬嘉靖州陷被赦

十四年癸卯春正月 駕在孟坑城外

德陽王至濟降于清

至濟初奔交趾與太監王應遴同匿高平境內

自安南莫敬耀後勢益孤危至濟亦降

三月初一日潁國公楊武叛降于清吳三桂

三桂令楊武招降貴州布政使朱企吳

岷藩武宗室



靖侯王國璽兵部侍郎尹三聘編修劉崑尚寶  
等楊楨幹知府范春鰲等六人六人遂錄印降  
赴北

大學士方瑞士降于清

禮部司務王應偉卒

秋七月緬人邀滇國公沐天波再入其城不久

緬使曰此番可冠帶而去天波終不久

八月郝承裔以雅州內附

九月晉王李定國出孟艮與白文選入緬關次日

桐泊疏請迎駕不果


定國迎駕疏內言前後三十餘章不知曾到今  
與緬王相約何地交遞而諸臣在內只圖安樂  
全不關節出險緬官求勅一道去了外俟久無  
消息乃拔營而去

以湖廣道御史鄔昌琦改陞河道掌六科

從馬吉翔所薦也

授烏撒知府王祖望禮部尚主客司

祖望晉王藩前人能醫中官有疾用其藥而愈



太常寺博士鄧居詵疏陳時事

居詵疏為停止不急之務仰祈修省等事內侵  
吉翔及各員自謀自衛等語蓋指行人任國璽  
欲轉江西糧道而言也奉 旨該衙門知道旨  
方下而國璽回道及各陞轉 旨旋下矣居詵  
不平即刻國璽國璽亦劾居詵一日上面召面  
質不果惟吉翔國泰傳 旨云鄧某當學好  
免杖

碎國寶以給各員


吉翔奏外有大臣三日不舉火者 上不信火  
日吉翔國泰復合奏 上怒擲皇帝之寶命寧  
庫太監李國用碎之國用叩頭辭不敢又次日  
吉翔國泰碎之以散各員 上怒曰你們要收  
門生特把朕作人情耳

十五年<sup>辛</sup>春正月 駕在孟坑城外

二月吳三桂破為乃麻衣

龐吉兆吉佐等俱被獲

咸陽侯祈三昇降于吳三桂



三昇與定國不和獨走戶臘三桂遣官招之遂  
率兵七十餘人涉遠而降孟津伯魏勇總兵  
劉芝林王有功邵文魁等俱降勇旋病歿

聶昌王白文選賚奏迎駕

念八日白文選遣緬民賚奏至云不敢速進者  
恐為所害必令彼送出為上策覆書答之曰不  
五六日離本處止有六七十里已搭浮橋來矣  
數日後緬兵斷浮橋而去吉翔國泰挾駕自重  
不思出險或欲暗相糾結擁東宮因赦吉翔國

泰奪路而出即為吉祥國泰所覺密奏其結盟

投緬旨命綿衣衛搜獲為首殺之

夏四月郝承裔被獲死

御前總兵馬寶降于吳三桂

五月朔大學士馬吉翔司禮監李國泰入宮講書  
賜之坐

江西道御史任國璽奏為時事三不可解謂上  
年本請開講期年不行令勢如累卵不思出險  
尚然如此講書必須科道侍班議軍務則有沐








也逆天不祥不如且全之任彼後圖緬酋即縛其兄弑之

六月十八日緬酋偽請盟馬吉翔李國泰等從之緬使來云我王初立怕你們立心不好請去吃咒水等你衆人走動好去作生意不然日用亦難云

十九日緬酋殺我文武官僚三十餘人

吉翔國泰聽信緬酋之謀不論大小官員俱携去與緬酋盟已刻緬酋以兵三千圍所扎處乃

曰爾等大漢可出來吃咒水一箇不出來卽亂鎗殺死諸臣良久乃出俱被執而死松滋王已下馬吉翔馬雄飛蒲綬郡士蘆鄉居詔楊在鄔昌琦任國璽王祖望裴廷謨楊士芳學錄潘璜郭璘典簿齊應選總兵王自全安朝位陳謙龔勳吳承爵張宗位錦衣大堂任子信張拱極劉相來宗宰劉廣銀宋國柱丁調鼎司禮監李國泰東筆字淺芳楊宗華李崇貴又周某盧宗曹某沈某俱失名




馮幸黔國公沐天波署緬僧進食  
黔國公沐天波靖來將軍魏豹總兵王啟隆等俱  
遇害

上與中官將自縊那凱勸之曰 太后年老將  
誰為依 上乃上緬兵入宮搜取財幣貴人宮  
女及各官妻孥自縊者甚眾 上與太后等二  
十五人俱聚于一小房經險二時忽通事引守  
護緬官至曰噶止不可害皇上與沐國公彼時  
尸橫遍地緬官請 上移出沐國公房內大小

二百四十餘人恰住一樓母子啼哭聲聞里外  
閱三日幸有緬僧進飯食且悲哀不已乃知早  
去各臣悉被殺時有沐天波王昇魏豹王啟隆  
各傷緬兵數人而死有皇親家小子名來安年  
甫十三兵擒之乃曰有銀與你抵腰假作取銀  
乃拔小刀刺傷緬兵而死

吉王自縊薨

吉王同妃入宮自縊皇親標下總兵姚文相黃  
華宇熊惟實馬某秦某錦衣衛趙明鋒王大維




秋七月緬人貢物

多散去

緬酋將天波至城下木板鋸解以示城外上  
遣人登城遙諭曰事已不可為以從朕文武各  
官各已見害城上所鋸解者即沐上公也朕亦  
萬無生理可致謝晉王各自為計否則城外當  
有變矣王及諸將士皆下馬羅拜大呼痛哭聲  
振天地上遂聞亦哭次日晉憤恨悲號遂大  
勦益坑城外雞犬不留而去自是人心無主兵

王國相吳承胤朱文魁鄭文遠李既白凌雲尹  
乘朱議添千戶吳某百戶嚴某內官陳德遠劉  
楊二貴人松滋王妃皇親任國璽姜承德妻楊  
氏俱于十九日自縊死又起陸諸人先後過  
害者通政司朱縕金姜承德諸世榮面鼎忠范  
存禮溫如珍副總兵高陞李勝武崗用岷王馬  
九功王皇親標下劉典隆戴某張某內府劉九  
臯劉衡汪國秦段能忠謝安祥陶某  
施氏曰緬酋既弑其兇遂以火殺上左右從官



念一日緬人乃修原所請衆人安住貢米銅器  
等物念五又進獻鋪蓋銀布等物甚厚乃曰我  
王子實無他意因爾營在外被害地方遂恨入  
骨乃衆民所為也

上不豫

冬十一月初八日吳三桂兵至木邦

白文選遣副將馮國恩至木邦偵之中伏被獲  
國恩遂降于三桂為嚮導

十八日 上召總兵鄧凱入宮

是日午刻召鄧凱入宮諭曰 太后病矣而賊  
信又急為之奈何白文選朕欲封他為親王馬

寶欲封他為郡王


吳三桂兵至鋤波白文選奔萊山

二十日三桂發兵追文選于芥山

二十四日吳三桂入緬甸境

初三桂在騰越宋腮兩遣人通緬首使送駕出  
降否則加兵緬酋益決計謀逆


十二月 朔吳三桂兵駐晚坡



舊晚坡在緬城之東是日緬相錫冀持具葉緬  
文降于三桂其文有願送駕出城但祈來兵送  
扎錫坡猶慮三桂之襲其城也  
初三日緬內叛來上及皇太后皇后皇太子  
公主如舊踞坡緬酋殺華亭侯王維恭  
是日未到二三緬官來見曰此地不便請移別  
所爾門兵將進城我處發兵必由過此恐為驚  
動言未畢數蠻子將上槌杙子抬去太后  
等悲聲震天行至二百步乃有輜三乘至

國家圖書館 NATIONAL CENTRAL LIBRARY, TAIWAN, R.O.C.

太后等上輜大小男女毫未收帶步行約五里  
渡河到岸暗黑不識何兵二更到營始知為吳  
三桂矣初四日歸老營初五日曉鄧凱匍匐  
上帳前曰今日勢至此皇上當行一烈使老  
臣得其死所上曰固然有太后在且洪某吳  
某世受我家恩未必毒及我母子初六日援老  
營復啞哇欲攻緬城未遂初九日長發還淇一  
路大小俱與馬匹進御膳用金碗不用銀碗  
上與東宮俱進鮮服鋪蓋內官宮女各官妻



妾均與衣被

吳三桂以車駕還南

施氏曰吳三桂兵亦出境將入緬路遇鞏昌王  
白文選是時文選兵高強因山路窮僻斥朕不  
通擇過無計不敢戰遂降自是三桂無所忌憚  
矣緬恐遂令馬寶誘上曰晉王兵去此未遠  
臣欲從間道奏駕奔其軍上從之緬使人從

上所至則吳軍矣

十六年<sup>壬寅</sup>春正月十三日駕還滇郡

三桂日進縉服等物俱倍前


夏四月 太皇太后王氏不食崩

三桂令人奉 上居滇故都督府等嚴兵防守  
八旂官兵皆集 上屢欲見三桂三桂不肯見

皇太后不食 日遂崩

原任戶部尚書襲彝死之

彝永州人天啟乙丑進士也具酒餼進謁 上  
所守者不許彝厲聲曰此吾君也我為其臣君  
臣之義南北皆然我祇一見耳何拒我為守者



往啟三桂三桂許之彞送入堂上設宴請上  
出朝禮畢進酒上稍謝痛哭不能飲彞伏地  
痛哭亦不能起再勸上飲上勉飲三爵彞  
再拜不止遂觸地而死上撫之慟幾仆  
上崩皇太子遇害  
施氏曰從官扶上進八旂諸將士皆望而呼  
萬歲曰此真主也我等雖有主今知其安在不  
如奉此以成不世之功事將成滿漢諸大臣皆  
割髮而起為下所洩三桂知之大驚即令鞏

上及皇太子出以弓弦絞于市時太子年十二  
臨難大罵曰黠賊我朝何負于汝我父子何仇  
于汝乃至此也是日天大昏黑風霾並作人影  
不見上既遇害三桂使人炙屍揚灰傳賜諸  
將前所謀奉上八旂諸將士共二千餘人皆  
殺之令沒其妻子

襟錄曰吳三桂標將有商于吳者以舊晚坡之  
事據云十二月初二日三桂至舊晚坡檄緬送  
駕緬亦遣人相聞薄暮緬人送人首十七至






吳三桂以總兵鄧凱隸滿洲鑲黃旗不受為僧去  
秋七月吳三桂遣藩下蝦護送 皇后公主至北  
京奉 旨命禮部養贍于別室仍撥宮女二人奉  
侍

是月二十九日晉王李定國薨于景線

亦已矣朕本非京人欲還見十二陵死死爾能  
任之乎對曰臣能任之 上令之去三桂伏不  
能起左右挾之出則色如死灰汗浹背自後不  
復敢見

三桂營中訛言駕崩及三鼓謹言駕至兵隨  
衆出迎見二艘渡江來一為 上及 太后  
中宮東宮公主一為遇害諸臣家屬有緬相及  
蠻兵二百人俱至三桂送 上及宮眷于公所  
上南面坐達旦三桂標下各官相繼入見或  
拜或叩首而退少頃三桂進見初甚倨傲見  
上長揖 上問為誰不桂噤不敢對再問之  
遂伏地不能起及問之數至始稱名應詔 上  
切責良久三桂緘口伏地若死人 上卒曰今



定國薨後以世子嗣曲記漸統武統武奉嗣曲  
為晉王有馬斯良者定國之表弟心忌統武遂  
勸嗣曲降于三桂

附記壬寅隨駕回滇諸人

吳師相炳一子一女同妾子名宏猷南京人

鄔昌琦一子三歲魏豹一子宗臯南京人 姜

承德三子北京人 丁調鼎二子 趙明鑑一


子一僕 黎應祥千戶廣東人 王祖望小子

新兒 鄧居詔家丁鄧玉前府都督康晉生一

子 總兵鄧凱 東昌李君調云緬酋迭駕舊  
晚坡在庚子十二月而龍馭賓天 皇太子遇  
害則辛丑三月十八日也君調時在三桂營中  
目擊者此云云未知何據







國家圖書館, NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.

